

荊州萬城隍志卷六

經費

興工莫先於籌費昔兩河歲修糜帑數百萬以天下之財  
供一隅之用自不慮其支絀荆隍之費取於江陵一邑乾  
隆戊申之役發內帑二百萬官爲修築不勞民力嗣後歲  
修銀兩先令司庫借支再行按畝徵還復以籍沒蕭氏資  
產專備工振之用所以爲民計者至矣軍興以來蕭氏一  
款支銷罄盡司庫亦不能借給惟責成郡守籌墊攤徵不  
齊卽爲官累加以意外出險捐資防護皆郡守之責桑土

荊州萬城隍志

卷六

經費

一

綢繆可不急哉

目錄

攤徵

支銷

帑項

借款

捐項



荊州萬城隄志卷六

經費上

攤徵

部議二條

○查本年應修隄塹業經欽奉

恩旨動用帑項官為修築

毋庸於業戶名下攤徵歸欵外所有嗣後歲修萬城大隄需用銀兩應先於司庫借支給發俟下年於業戶名下按畝攤徵歸欵其動用何欵之處應令該督預為籌酌先行報部仍將按畝攤徵歸欵細數造冊送部查核

乾隆五十四年

荊州萬城隄志

卷六

經費

攤徵

一

按例載歲修之工不准將夫工包折銀錢荆隄乃奏明按畝攤徵者蓋司庫借支之說久已不行設可借用而領解有費報銷有費申平補色私貸公收半為吏胥中飽有工程之責者非萬不得已與其借帑不若募貲也

○查萬城隄工向係民力自行修理經五百兩以上准其借項官為代辦所有此項錢糧仍應攤徵歸欵如不經紳耆專司出入誠恐地方官吏有加倍灑派之弊應如所奏嗣後歲修隄工一應銀錢冊檔令公舉誠實諳練紳耆三四人專司其事如有書役攙越侵漁等弊許紳耆等據實具稟嚴行究辦

乾隆五十四年



按徵收土費之弊紳者甚於書吏書吏甚於地方官公正紳者孰肯與官共事同里之人非親卽友彼此援引倚勢招搖官不能禁書吏之弊地方告發官不袒庇一經覺察尙可以法繩之荆隄徵費屢次易章仍歸官辦弊端較少若外屬承用舊法工程虛應故事而浮冒侵欺之弊所在皆然有治人無治法誠哉是言也

崔太守催修經費議○伏查荆屬隄埝歲需修補估計土方動輒數萬核計工程均在五百兩以上若紛紛奏請徒增案牘之煩且與欽奉 諭旨沿江隄工不准濫借公項之例不符卑

荆州萬城隄志

卷六

經費 攤徵

二

府悉心籌議萬城大隄自得勝臺起至橫塘隄樓止原係動項興修之工定限保固十年如限內坍塌仍著原修之官賠補外其橫隄以下至拖茆埠一帶歲修應請仍歸民辦官爲經理其興工之時該同知會同江陵縣勘估造冊詳送道府覆勘轉請興修工竣造冊報銷所需夫工細冊飭令江陵縣責令冊書按糧查造僉點糧多大戶承充夫頭沿鄉催令業戶赴工修築仍聽民間公舉誠實諳練紳耆司理出入一應夫工襍價均由董事經理書役隄圩人等均不許絲毫經手以杜包攬侵蝕之弊

乾隆五十七年



按此官督民修按畝攤徵之案民工不借帑不奏銷不保固自道光十二年奏歸知府承修之後官民兩工事同一律土費分設城鄉局亦如錢糧徵收矣

高郡丞減收土錢議○竊照本屆歲修隄工業經奉檄勘估各工土方丈尺數目具摺通詳並移縣起派夫土僉派戶首申送在案所有修隄戶首仍遵憲臺諭飭在於沙市郝穴兩處僉派紳士設局收繳每方議繳錢百六十文以紓民力

嘉慶六年

按例價每土一方價銀一錢二分向章歸同知徵收此改銀納錢定價之始

### 荊州萬城隄志

### 卷六

經費

攤徵

三

明太守飭縣起派夫土札○照得荆江北岸萬城大隄官民各工本屆應行歲修業經前府委員帶同弓正就近傳集附隄紳耆及隄圩人等按險履勘搏節丈量估計造具工段細冊詳明各憲核辦在案茲本府蒞任接准移交除履勘示募人夫擇期祀土並籌款墊辦外惟查此項土費向係飭縣在於北岸合縣糧田起派夫土僉點糧多殷戶充當董事領催繳局批解濟工毋許管糧經書包攬滋弊經王前府以四月三十日收繳不齊卽著該縣先行全數墊解詳奉批飭照辦嗣因程前府改易成法飭據該縣議詳專責經書收繳差催完納劉前府試辦二屆



仍無起色隨據該縣以縣屬田地分上中下三則其上則西北  
捕衙汎地勢較高中則沙市汎湖南錯雜下則郝穴龍灣二汎  
盡多積滂之區年額錢糧遇有水患尚多請緩大隄土費勢難  
如數徵齊等情詳經前府批查沙市郝穴龍灣等汎旣多積滂  
未便與高腴並派應如何分別等差酌量派土造具垵名糧額  
並查明成法悉心妥議詳覆迄今未據詳到本屆大隄歲修業  
已擇期興工需費濟用合行專札飛飭該縣刻將所估大隄土  
方查照前詳在於北岸合縣田糧內究應如何分別等差上緊  
起派作速籌辦仍將起派里圖糧額科則及籌議酌派情形先  
荆州萬城隄志

卷六

經費 攤徵

四

行開摺稟覆一面將催徵土費章程查明從前僉董成法應如  
何變通總期全歸有著妥議詳覆並飭令民賦等房書將承管  
百二五里各經書糧額分晰造具細冊註明的名住址捧賚投  
府以憑磨對核辦勿任弊混延誤致干未便

道光二十六年

按隄工改歸知府以後土費由縣僉董徵收存此備攷

俞明府昌烈僉充滾首稟○案奉憲札查徵收大隄土方屢次  
更易章程其原立之法未爲不善總因日久弊生以致辦理掣  
肘據詳每年黏紅舉充滾首仍責成快皂總差督令原保頭役  
分催經書董率滾首挨戶催繳尙屬周妥惟土費之能否收繳



全完權在經書而弊亦在經書現在舉充滾首似乎止可助經書之催收不逮未便使其代經書之催收重任如因舉有滾首其經書即專辦錢漕設甫改新章土費不能源源完繳有誤大隄其誰任咎且所議係據戶糧民賦等書之稟並未察訪輿情通盤籌畫確有把握可操必勝之權茲隄已興工待費孔殷誠恐輾轉核議曠延時日仰即仍照舊章先行飭令經書承辦並須按春七秋三催納濟工欠完即行重比至應否添派滾首幫同經書催收之處如何定滾首之功過再行悉心從長計議事後詳辦以期有益無損是爲至要等因遵查大隄派土僉充董

荊州黃陂城隍志

卷六

經費 攤徵

五

事收費歷今數百十年計時不爲不久不過所收土費未能齊全前憲程以經書舞弊賣富僉貧因而設櫃徵收免僉董事催納詎自此短絀更甚賠累滋深前憲劉洞悉其情飭縣查復舊章改由經書辦理該經書等始圖私收獲利欣然樂從繼畏挪墊受累逐漸逃避書逃尙有差墊差窮則計亦窮此近年徵收土費愈趨愈下不能踴躍之實在情形也前蒙憲臺飭令卑職籌畫變通妥議稟辦因思潘糧憲頒有錢漕滾催章程可以仿照辦理是以議僉滾首詳奉批示前因覆查經書尙有補滾首之不足滾首萬難助經書之不逮蓋僉充滾首僅令幫辦是以滾



首無專任之責轉使經書有閃門之隙彼推此諉有損無益然興利必先除弊向僉董事黏紅舉報卽弊端所由起前詳所議尙未周妥今請於未僉滾首之先嚴禁貼紅任官親點卽於點充時查其眞姓的名填註冊內無論糧柱有十數名目及數十名目概定以八年之內不復重僉既僉以後不准捏情更換計每滾首不過三百方之土合錢數亦僅四十八串之多似此不甚苦累匪特滾首不視爲畏途而賣富僉貧詭立戶名諸弊亦無從而生矣卽或有一二刁玩延不具認並抗領土單之人一面飭差查拏究懲一面著落經書先行承辦又或有實在困苦逃亡者卽責成經書收繳故謂經書尙可補滾首之不足也至總差保頭均仍循舊總期比追有人土費有著斷不容經書藉此置身事外耳

按此不僉紳董改用滾首之案仍無成效

陳太守改由府徵土費示○照得萬城大隄爲闔郡及下游各州縣保障脩防最關緊要所派土費業民自應趕完早獲收工以禦汎漲檢查歷屆卷宗該業民任聽差催延不交納從無全完之事訪查其故或係匪人包攬肥私或係書役串通侵蝕種種弊端殊堪髮指本府以歲脩民瘼攸關實屬爲政首務亟應



認真辦理隨卽週歷履勘土石各工樽節估計先行籌墊興工  
合行示諭江陵縣有糧士庶人等知悉本屆歲修仍係查照舊  
章按糧石均派田畝不分科則每土一方折錢一百六十文並  
無私毫浮取現於南門外得子廟本府頭門內及郝穴街市各  
設土局徵收限至三月起至四月底止爾等當思隄塍保衛身  
家務當激發天良各將名下應完土錢迅速赴局交納以濟要  
工券票當卽截給其券縣印加盖府印接縫後黏完單一紙註  
明里甲姓名某年土數若干完訖字樣該業戶將此紙裁貼門  
首以便一望而知上年陳土一併完繳另有印收自示之後倘  
荆州萬城隄志

卷六

經費

攤徵

七

敢仍前延玩混給匪人包侵限外門首查無完單卽係抗戶立  
卽拘案加倍押追以示懲儆三四兩月限內並不飭令經書差  
役催收各宜懍遵毋違

劉明府徵土積弊稟○竊以興利莫先於保民生除害莫急於  
去衙蠹荆州萬城大隄按糧派土每歲由江陵縣造冊簽差賫  
府催收經書與戶糧冊局工等各書勾串匿藏真冊而捏名偽  
造假冊呈送不特府中無憑查考卽縣官徵收錢漕亦毫無把  
握查民間不納者不過一之一書差私收者竟至十之七以百  
姓之脂膏飽胥吏之奸橐官受其名吏享其實殊堪痛恨卑職



去歲奉委催徵土費親歷各鄉密訪確得其情追出真實底裡核與縣中紅簿迥不相侔回明憲臺另募清書造立新冊皆係有田有糧有人之戶並無沙壓水漬逃亡之區土費有憑可收江陵北岸錢漕亦可瞭然謹指陳積弊數條於左

○一去年憲臺因公赴石首郝穴札委卑職專司催徵土費五閏五六等月僅徵獲錢四千餘串七八九等月週歷各鄉查得實欠並不在民回明憲臺當經卑職分限比追當堂指穿積弊書差畏刑十冬臘等月竟繳土錢二萬餘串皆該蠹等既吞復吐之項年底結算共徵獲土錢三萬二千餘串出入俱由憲臺

荊州萬城隄志

卷六

經費

攤徵

八

帳房經理已列榜出示曉諭

○一百姓不畏官而畏經書催差據云官常更換書差子孫世守縱無紅券亦可放心等語夫百姓卽刁頑斷無敢於違抗者如其公然不納書差烏能甘心而不拘拿送官押追惟書差予以墨券爲憑百姓因而小占便宜是以憲臺到任六年催徵只獲土錢一萬二千串七年正月至四月底僅徵獲二千餘串皆歷任因循所致非憲臺徹底根究痛除積弊鮮不爲書差所欺而謂民之無良者其實百姓可憐已極如民出一錢官收一錢將來土費並可不必多派而收不齊適爲書差趕網耳



○一推收過割宜急也查近來大小糧戶有一兩正銀完納時分作數戶有十兩正銀必分作數十戶糧戶在此甲錢糧必分撥別甲地方官去來無常何從得知經書現奉斥革萬民感戴然非經書不能知其根源而經書卽櫃書之門人官所不知而經書知之經書不言而櫃書能使之言若勒令櫃書傳集一呼卽至簽差押令挨戶指實的名住址開造清冊將一分作十戶數十戶統歸於一不准捏名影射遇有買賣田產者隨時推收過割自無朦蔽似不患錢漕無起色矣

○一錢漕土費除宜都枝江以外五屬積弊皆然自乾隆五十年及道光二十三四等年幾次萬城隄潰郡城被淹書差詐稱魚鱗塊冊遺失藉以水衝沙壓舞弊查近來人煙稠密水衝者久已淤高沙壓者翻爲膏腴百姓完糧反受違抗之名遇有災緩豁免書差安受其福官卽嚴明簽拿糧戶書差不能指明一戶鎖拿一人是其明證否則彼亦何樂而爲百姓隱飾代受刑責應請飭地方官剔釐清楚第恐慈祥太過書差不吐真言若民間正供之外原無絲毫多取也

按經書之弊果如劉令所稟認真究詰未嘗不可杜也

祿太守飭催八旗土費札○案照上年飭據該縣造贖入旗圖



土册到府當經本府勒限諭飭該縣册局房書督率各里册書趕緊赴局掃數裁券催繳濟工繼復迭次簽札勒限交提並差拘該玩書鄧良臣等赴府訊究各在案乃延今載餘仍復抗違更無旗兵赴櫃完納且本屆土册亦未造實實屬膽大惡極合行頒發鎖封拘提札到該縣立即遵照迅將該卯首鄧良臣郭祖廣李壽山等限文到日內逐一喚齊到案交給前差按名鎖解來府本府立等當堂查訛該書等因何延不赴局裁揭土券有無吞公惡習故端嚴究懲辦仍押令刻將各旗兵名下應完上年土方掃數赴局完揭清楚其本屆應造土册亦即趕緊押

荊州萬城隄志

卷六

經費

攤徵

十

令造實核辦該縣毋再稍涉袒延大干未便

咸豐

按八旗田產不還土費竟成定例非嚴辦册書不知其底細也

唐太守定立徵土三限告示○照得萬城大隄每屆歲修工程應徵土費向係飭令江陵縣在於北岸受益業戶名下按畝攤徵繳濟工用前府任內查有該縣戶糧經書催差包庇在鄉勒收滋擾是以四鄉設局示諭以每土一方照向例折徵錢一百六十文彙濟工用由花戶就近自行赴局輸納截券爲據原冀便民免受書差擾害之意本府莅任仿照辦理隨時酌減量增



兼示懲勸其中自有權衡豈容刁抗所有本屆應辦歲修工程現經勘明估計開冊通詳已由府籌墊於上年十月興工分派委幕駐工督修爾花戶等均皆見聞其應徵土費行縣攤派立定徵費章程於二月一日仍在城鄉設局定以期限分別等次徵濟要需合行曉諭該縣有糧士庶及保甲人等知悉爾等當知修隄爲保衛田廬互相勸勉遵照後開議定期限除八年帶欠暫行寬免外務將各名下新舊土費爭先赴局輸納裁券爲據提前者少徵所以示勸落後者多派所以示懲倘敢始終抗玩定卽查拿懲究該保甲等如能破除情面催繳無欠者重加

荊州萬城隄志

卷六

經費

攤徵

十一

優賞徇隱庇抗查出併挈重究不貸

○一初限二月初一至三月底止每土一方折繳錢一百二十文○一二限四月初一至六月底止每土一方折繳錢一百四十文○一七八九三月每土一方折繳錢一百六十文

○一逾限未完挈案究責仍加倍徵罰如保甲於限外墊繳執券催收者該花戶照定價完納再加保差辛勞脚力錢二十文花戶不遵算給許卽稟追并示

咸豐十年

胡中丞土費不准優免示○照得先聖先賢後裔除正供不准優免外其餘一切雜派保甲圩長土長垵總圩正收頭船鋪行



戶脚夫馬頭及派買倉穀事涉差徭等項例准優免以別齊民  
歷經辦理在案茲據藩司詳據荊州唐守稟稱江陵等縣多有  
聖賢後裔散居境內經前江陵張令發給勒石告示並未分晰  
叙明統准優免差徭以致生員顏長青等應完大隄土費藉詞  
邀免復敢邀集族人顏崇謨等紛紛呈辦逞刁違抗稟請給示  
俾資遵守而杜隱射等情爲此示仰該生顏長青等知悉嗣後  
凡遇前項雜派差徭概准請免其修理隄塍按畝派出土費夫  
費乃屬自衛田廬以保正供其捐寫樂輸關稅釐金尤爲目前  
濟餉急務均地方紳民分應急公之事並非雜派差徭可比仍

荊州萬城隄志

卷六

經費 攤徵

三

應照舊派捐不准請免毋稍違抗各宜凜遵

咸豐十一年

按同治十三年有孔姓曾姓援案請免土費據此批斥照  
章徵收

工吏說帖○大隄土費章程歷有變更案牘紛繁且多散  
佚無從稽核要其法總不外乎今之所辦者近是每年於  
勘估後將土石工程合算大數札行江陵縣於荆江北岸  
利賴隄護業民按糧灑派造冊資府本府開篆後分設城  
鄉六局或幕友或委員坐局督率書差開局攤徵每土一  
方折錢一百六十文咸豐九年唐前憲因累年土費遲延



難紓急用分作三限俾民自速輸將定以開局日起迄三月每方收錢一百二十文四月朔逮六月每方收錢一百四十文七月朔至九月每方收錢一百六十文如逾三限卽飭保正赴局裁訖每土一方許保正外取花戶脚力錢二十文所用土券係空白印券待花戶赴局完納查冊收錢寫券委員幕友鈔用府中戳記給發花戶後因局中書差滋弊同治五年改用板券復加花戶拖抗陳土仿照新土亦分三限加價歷辦以來似較從前大有起色同治十一年改用委員本年復議定章程裁撤清書由委員雇募

荊州萬城隍志

卷六

經費 攤徵

三

或總書保充謂之局書並加書差飯食較往年辦法更爲妥善第每年徵費總須三月半方能踴躍而修隄則必農隙舉事實屬緩不濟急諸多掣肘十一年二月內通稟各憲請將達前憲及前署監利縣陳令動用蕭姓衣飾田房變價本銀撥還府中生息留備歲修隄工要需經兩司會詳兩院俟善後存款充裕再行酌量籌還此後該隄如出險工應仍由府勘估詳請暫於附近釐金項下提撥以濟急需奉批在案此近來徵費之情形也城鄉徵土六局城局設本署棗局設棗林岡岑局設岑河口郝局設郝穴普



局設普濟觀龍局設龍濟市

諭書吏徵土新章○查修隄徵費久等正供當其初用活券弊竇叢生至咸豐年間改用版券分設外局各局諭派書差者以催保傳抗非差不行新舊交接如有虧挪有書則便於追呼而書等不思原設本意以爲諭令管帳收發可以自專侵挪可以聽便衆書差役皆其爪牙幕友委員徒爲傀儡若衆書差役違逆其意則設法以害之保正所給不遂則多方以恐之恐嚇不濟則又違延以誤之委員幕友竟爲若輩詐錢之具非盡愚也以所稟所言似近情

荊州萬城隄志

卷六

經費 攤徵

四

理一涉大意尠不爲其所用而委員幕友終無一言者非盡被其勾通也若輩到局管帳署內必先有安頓此亦人情是以欲言未入而讒言先進若非本府訪察反以委員幕友爲爭利起見幾致敗我新章去年接任之初竊以前此徵土不用委員爲非何則朋友多係外間薦來之人公事自不能悉不得不請教於帳書縱有訛錯該書必推之於朋友知本府決不深求得以行其謫詐委員既有考成又奉委札可以稽核書差免至事事請示此本府改用委員之意也然本年岑局田潤膏與委員頂撞郝局蕭正春



以作弊推之前任朋友積習終未盡改來年該總書於保  
派各局帳書務須破除情面核實開送毋許虛應故事一  
有虧挪惟原保人是問○一原設大小印流立法固善惟  
每小印流數百本大印流亦數十本署內旣難細看且無  
逐日徵數而券張土方仍舊滂無稽考應將大印流改爲  
逐日總印流以總印流歸委員以小印流歸書吏庶便稽  
核矣○一查各局有憑紙揮裁券者有憑徵冊裁券者隨  
便紙條旣恐易於遺失大本徵冊不免裁此延彼且日月  
檢查難免破損之虞此後須刻印紙揮以昭慎重而歸簡

荊州萬城隄志

卷六

經費

攤徵

五

易○一本屆新立小印流配搭徵冊分別三限本易清查  
惟陳土較新土尤重新土未完尙有來年陳土未完卽成  
廢紙弊竇皆從此生此徵獲新陳土方須分別登入新陳  
小印流則開卷了然矣○一查本屆新立小印流各局用  
法不同究之皆有訛錯此後新陳小印流均須配券置放  
隨裁隨記亦可杜偷匿驗銷之弊矣○一查各局藉頭限  
徵收踴躍派書十餘名或七八名不等其中圖利而不能  
辦事者固多且各存裁撤之見取巧不前一事數人誰執  
其咎此後定以額數大局不得過五人一管散冊一管順







指臂之益○一向章書差每月每名給工食錢三串本不敷用此後額數既定帳書督差每月加給工食錢各兩串局書催差每月各加給一串局內仍各給官飯俾得聚處遇公事無所推託矣惟所加之錢必俟年終撤局核其勤惰以爲賞罰不准先給○一向章冊券開篆後始能齊全其時開徵在卽由各局帳書領到赴局隨徵隨算而督飭之委員稍涉大意卽隱瞞額數以致終年含混不清此後冊券務須早爲催齊由府署清定額數再行札發

請催旗土稟○竊查滿營八旗員弁兵丁欠完萬城大隄

荊州萬城隄志

卷六

經費 攤徵

七

土費歷經稟請檄催完納以濟工用在案茲查本屆大隄歲修工程及防護搶險一切費用浩繁均經卑府挪墊辦竣安瀾告慶而派徵各旗應完土費迭經卑府移催右司按冊嚴催各旗員弁兵丁趕緊完繳接濟工用迄今歲將云暮赴局完繳者僅止五百餘方其餘尙欠二萬七千餘方抗不完納當此清理墊項補發夫礮價值之時籌措辦理殊多棘手查各該旗兵丁受大隄之益獲隴畝之利而卑府責任旣重複受其累殊不足以昭平允合再稟懇將軍俯念隄工墊款緊要嚴檄右司委員督催各旗員弁兵



丁勒限年內將本年新陳土費照冊掃數催繳解府或就  
月餉內查明扣收飭發以清墊款感沐鴻施實無涯涘

荊州萬城隄志

卷六

經費

攤徵

六



荊州萬城隄志卷六

經費下

支銷

畢制軍續添石磯壩工疏略○再楚省向來築隄並無夯礮一法而土方例價每方止有一錢五分因去冬開工之後天寒日短又因食物昂貴隄邊多有漬水取土較遠每夫二名尙不能挑一方例價僅敷口食若連礮工在內斷屬不敷況土工經久全恃層土層礮自不可稍存惜費之見致滋草率查有岳州人夫素善夯礮當即招募赴工酌給礮價令其專心礮打俾要工荊州萬城隄志

卷六

經費 支銷

一

益增堅實其增添夯礮工價統俟工竣後核明確數據實奏明辦理

按此另給礮工之案

又查鈔蕭姓家產疏○伏查蕭逢盛各房抄出贖產除住房首飾衣服襍物應行估變外其田地契紙共價銀八萬八千一百六十五兩零本應一體換變因此時荊州甫被水災力能承買者甚少蕭姓田產原係招募佃戶耕種按年收租今玉路口西楊林洲有碎石磯嘴壩黑密廠有碎石裏頭觀音寺一帶亦須添補石磯各工程均應歲加修葺即窖金洲每年翻犁洲田畝







方三分計算實用礮價四萬二千三百三十五兩八分一釐當俱按名核給實用實銷並無絲毫浮冒

乾隆五十四年

按正項支銷猶可計算浮費不裁終無紀極聞夫頭領錢一千分之者約廿餘處安能涓滴歸公後閱方菊人太守監利修隄約所稱夫頭陋規已十餘項夫頭由坑長舉報領土價錢百千須送坑長五千名兒子費開工之初先做城隍會議定土價一千委員錢若干委員之家丁火夫轎夫錢若干汛官錢若干汛官之家丁堂差轎夫錢若干縣署跟班門丁壯快皂隸織夫錢若干工房案房弓正隄差

荊州萬城隄志

卷六

經費 支銷

三

錢若干首士及工房弓正隄差之火夫錢若干夫頭領價止有此數人人向夫頭索費若不偷減土方費從何出縣隄如此況道府兩署之工乎是可慨已

朱方伯移會李家埠等工銀價由○查前據署荊州府聯守稟稱荊郡錢價每千易庫平紋銀六錢計錢一千五百文僅易銀九錢修隄人夫雖係發給錢文而工程土方礮工皆係合錢估計此時每銀一兩照市價可易錢一千六百六十餘文若照捐剝折算承辦之員每兩須賠銀一錢似須另爲籌計隨奉督憲批飭該守另單稟通工修隄錢文請照市價折銀扣算自係實



情行司議覆惟聞該府係於沙市店舖換錢每屆發銀到工每兩只易錢一千五百四五十文而所收錢文何以每千只折銀六錢據稟係照尋常市價殊難憑信又摺開收試用從九李世環解過道庫銀一萬九千一百一十六兩五錢八分四釐核與前准鹽道移覆委解銀一萬九千一百一十四兩一錢之數不符此項工程係屬動用之項似應遵奉部咨扣平解部前經詳奉督憲批飭仰候籌發不敷銀兩時再行核辦茲奉前因合亟移會備咨過道煩爲查照希卽一併確查核議通詳並移司核辦一面飭令江陵縣迅將解工捐輸市平銀兩補足庫平以便

荊州萬城隄志

卷六

經費 支銷

四

議叙

道光二十二年

工部都水司奏銷冊式○道光五年四月內經本部查各省州縣地方辦理河道工程各該督撫等具奏原摺內有未經詳叙應辦各工情形清單內僅止工段長丈銀數而無高寬丈尺者又有原奏內已將所辦工程情形聲明其工長高寬丈尺銀數並未開具清單奏報者又原奏已將各工情形聲明復有應須增減工程或具奏清單摺內並未據實聲明抑或清單奏報在先將增減各工丈尺另行具奏者似此辦理參差以致冊報到部難於查核往返駁查案懸莫結當經本部查照前定章程通



行各督撫嗣後凡有修築河道隄埝埽壩務於原奏內將應修工程並填築墊坑塘溝槽窪形積水殘缺河形工程分晰聲明並將各工段長深高厚丈尺銀數詳細開具清單奏報如原奏將各工情形奏明續有應徵應減之工亦應於具奏清單時將更改之處據實聲明抑或清單奏報在先復有增減各工丈尺亦應另行具奏

部議捐修借帑報銷疏○竊臣部職司各直省修辦一切工程勾稽工料細數所以重錢糧而杜浮冒查例載乾隆五十三年欽奉 上諭各直省民修之工並非全行報部核銷章程本

荊州萬城隄志

卷六

經費 支銷

五

不畫一修濬隄河等工原爲保護田廬疏消積水起見向係例歸民修者並無保固核銷遂爾漫無覺察豈可不嚴定章程令其一併報銷保固嗣後除些小之工任民間自行辦理外如係緊要處所工程在五百兩以上者俱著一體報部查核予以保固限期著爲令等因欽此欽遵列入則例通行在案今各直省往往有藉捐辦工奏請彙叙亦有借動庫項再令民間攤徵歸歛該督撫或奏明造冊報銷或奏請免其造報辦理殊不畫一近年如直省修辦張家口石壩係先行奏明勸捐事竣請獎並免造報如江蘇省興挑徒陽運河並不先行估計銀數工竣始



行奏報捐款請照籌餉例減成請獎亦免報銷竊思現在軍用浩繁無事不藉民力惟捐款既經請獎卽與動用庫款作正開銷無異臣等悉心籌酌擬請將應行造冊報部核銷之案明定章程以歸畫一除銀數在五百兩以下工程無關緊要者免其造報卽銀數在五百兩以上而係士民捐修之工並不邀請議叙亦未借動官項者則但令造冊送部備查免其報銷外其餘各工有士民出貲捐修奏請獎叙者有該地方官勸捐與辦工竣奏請議叙並請實任官階者均毋異動用正款至例在民修之河道隄岸橋座等工有關田廬保障而工程緊要民力未逮

荊州萬城隄志

卷六

經費 支銷

六

奏請借動官款仍由民間攤徵還款者又商民以及竈戶各項先行借動官項請修之工事竣分年攤捐坐扣歸款者自應遵照定例一體造冊報部核銷予以保固限期庶承辦官員不致草率偷減而國帑捐項兩不虛糜矣

林制軍按工給費章程○經費宜按工程分數陸續給發於開工之時先發十分之三以便招集人夫置買器具該夫頭認狀及附近舖戶保結俟做得三分工程再發十分之三七分工程又發十分之三仍留一分俟做完驗發以防逃避

按荆隄歲修給費冬工支十之一春工支二十之一謂之



棚費餘俟興工陸續支發仍留二成工竣後於五月十三日全數算給如十四日工程有損即歸工局修補予謂工員保固尙有十年夫頭工竣卽置身事外未免取巧飭令安瀾再給新工補填溝坎仍須責成夫頭或謂夫頭貧苦安能墊給散夫之費似近刻核不知二成工價皆係夫頭包攬土方羨餘與散夫絲毫無涉不過承修之官於歲修防險外又添修補新工費耳

蕭姓息欸報銷清單○卷查蕭姓田房變價生息咸豐二年提本止息日期一欸榮前府冊報此欸生息本銀二萬八千六百

荊州萬城隍志

卷六

經費 支銷

七

五十二兩六錢六分五釐內除道光二十九年辦理清查及咸豐元年兩次查出監利縣書戴增高虧挪本銀一千八百八十一兩二錢四分三釐外實存發典承領庫平本銀二萬六千七百七十一兩四錢二分二釐按月一分二釐起息每年應徵息銀三千八百五十五兩八分五釐又據榮府冊報咸豐二年達前府募勇防堵動用蕭姓房屋生息本銀二萬五千七百三十八兩四錢九分六釐八毫五絲四忽七微三塵又據冊報咸豐二年前署監利縣陳均遠應付兵差動用蕭姓田房生息本銀三百三十三兩七錢五分又據冊報咸豐三年七月內奉前藩



憲飭提各項生息本銀解過蕭姓田房本銀六百九十九兩一錢七分六釐各等情是此項本銀業經先後提用並無存欸

請撥還蕭姓生息本銀稟○竊照荊州萬城大隄濱臨江河爲川江清江沮漳諸水衝要每年霜清水落查勘險要估工派土徵費興修以資捍衛而每屆勘估之後或水枯灘漲或大汛臨期時有續出險工卽須籌欸搶築未便再派民間是派徵之土方歲有限制而用項之多寡殊無定程是以各前府經理隄工不無賠墊之累卑府職司民牧責重修防自應認真講求力杜弊端樽節浮費惟以二百

荊州萬城隄志

卷六

經費 支銷

六

餘里之長隄爲億萬生靈之保障近年江身愈壅隄身益低每逢異漲輒形漫溢岌岌可危非速籌巨欸加高培厚不足恃以爲固荊州歲修徵土舊章府縣兩署不得過百萬方而所徵之費與所估之價十不過二三故歷年估徵之士僅敷歲修偶出大工卽無可籌之欸恭查乾隆五十二年九月內奉 上諭據阿桂等查抄荊州府蕭姓民人家產一摺此項查出財產不可照例入官著阿桂等卽分別估變留於該處以抵工賑之用等因欽此嗣於嘉慶三年經卑前府將查抄蕭姓衣飾變價銀一萬二千五百



七十九兩四錢六分二釐並查抄蕭姓田房變價銀三萬  
一千三百二兩八釐九毫六絲均經發典生息每年共徵  
息銀六千三百一十九兩七分六釐按年解赴藩庫存儲  
籌備萬城隄工之用道光二十一年卑前府程伊湄任內  
因上逍遙湖等處土石各工緊要曾經稟奉前院憲奏奉  
諭旨准其在於蕭姓生息本欵內動支銀二萬九千  
二百二十八兩興修在案茲查蕭姓衣飾變價一欵本銀  
前於咸豐二年經卑前府達昌阿任內募勇防堵修城挖  
濠及修萬城隄工等事動用本銀一萬二千二百八十兩

荊州萬城隄志

卷六

經費 支銷

九

六錢三分七釐五毫尙存本銀二百九十八兩八錢二分  
四釐五毫其蕭姓田房變價一欵本銀內除前江陵縣林  
士煥虧挪銀二千六百五十兩三錢四分四釐又監利縣  
書戴增高虧挪銀一千八百八十一兩二錢四分三釐並  
經卑前府達昌阿任內於咸豐二年募勇防堵修城挖濠  
及修萬城隄工等事動用本銀二萬五千七百三十八兩  
四錢九分六釐八毫五絲四忽七微三塵又經前署監利  
縣知縣陳均遠於咸豐二年辦理兵差動用本銀三百三  
十三兩七錢五分又於咸豐三年七月內奉前藩司提解



過本銀六百九十九兩一錢七分五釐一毫五忽二微七  
塵悉已動用無存均經報銷有案卑府伏查蕭姓衣飾四  
房變價生息二款原議籌備萬城隄工之需蓋以此隄工  
段綿長時慮出險如有要工卽需請撥此款趕緊修防以  
免貽誤近年乏此專款每致束手無策卽如沙市劉大巷  
一帶險要異常無款可撥現經巡道督勸紳商捐修石岸  
此外官民各隄要工尙多需費浩繁未敢遽議前經卑府  
隨同巡道察其最要之處酌估歲修加意保衛但年復一  
年汕刷日甚如不預籌專款以備急需誠恐驟出險工卽

荊州萬城隄志

卷六

經費 支銷

十

不免掣肘之患伏查達守及前署監利縣陳令動用蕭姓  
生息本銀多係辦理軍務已經作正報銷此時楚北軍務  
早竣百廢俱舉可否將此二款本銀在於北藩庫撥還卑  
府發典生息以備隄工撥用如藩庫一時無款籌還抑或  
請將此款造冊 奏銷實爲公便

分別籌發水師營津貼票○竊查萬城大隄乾隆五十三  
年奏明派撥荆水師營兵丁五十五名駐防自四月初一  
日起至八月底止每名月給燈火飯食銀五錢在於藩庫  
蕭姓生息項下給領嗣因食物昂貴議請照原給數目加



增一倍每年共需銀二百六十餘兩遇閏之年共應領三百二十餘兩暨於咸豐八年因蕭姓生息本款無存庫項又無款可撥奉前憲莊咨准前藩憲馬議定以咸豐八年起所有該營兵丁防汛燈火飯食銀兩由府在於徵收歲修土費內暫行酌量撥給俟將來軍務平靖司庫充足再行籌計等因當經卑前府祿守查明府署向有津貼荆水師營防護大隄兵丁銀二百兩每於夏秋二汛以銀作錢二百串於土費內酌撥請將該營防隄燈火飯食仿照舊章以銀作錢撥給詳明在案歷年照章辦理並聞釐局

荆州萬城隄志

卷六

經費 支銷

十一

尚有幫項九十餘串近年江水異常泛漲官民各工險要疊出歲修需用浩繁所徵土費不敷支發而夏秋防汛之資更無所出卑府蒞任以來明察暗防嚴防弊竇以期費不虛糜蓋土費出自民脂民膏能省一分費用即惜一分民力雖諸事撙節而二百餘里之長隄土石工程日增一日防汛經費之多寡又難預定即卑前府艾守任內尙有借發工費五千數百串未還左支右絀時形掣肘所有該水師兵丁夏秋二季飯食津貼等項實屬籌撥維艱伏查蕭姓生息一欸前經卑府稟奉憲台核飭俟善後存欸充



裕再行酌量籌還等因現在防汛伊邇該營兵丁原定每名燈火飯食銀五錢可否遵照舊章由該員徑赴藩庫請領業經移覆該營自行稟核至兵丁燈火飯食暫在土費項下照數籌撥俟原燈火飯食請領有項再行停止其津貼一項請自同治十三年爲始減半給發仍於土費項下分夏秋二季撥給以節糜費而示體恤

林方伯批現在司庫存項萬分支絀年例一切要款尙復時形竭蹶所有原定該水師兵丁燈火飯食銀兩委實無項可籌仰仍暫於所徵土費項下酌量撥給將來遇有險

荊州萬城隍志

卷六

經費 支銷

三

工再當酌撥釐款以濟急需至津貼一欸擬至同治十三年爲始減半支給應如所稟辦理

土工價○例價每土一方銀一錢二分今折錢一百六十文難工加夫二名每名銀三分硯每方錢一分八釐後又加一分二釐今每方折錢三十文倍土隔水距隄二百七八十丈及三百餘丈必須用船裝運每土一方應加一錢二分挑河土每方銀一錢二分有倍夫有稀泥車水每架用夫六名每名四分甬撈土楚北每方銀一錢五分翻沙每方銀一錢二分用倒二五收分挖築土每方銀九分五釐創坡工每名銀四分



按今之方價臨時估計自二三百文至八九百文千餘文不等百六十文之價已不復問矣

石工價○條石寬厚一尺每丈重一千五百觔有運腳上位諸費每丈價銀一兩五銀新磚長尺二寸寬五寸厚三寸三分有砌作搬運諸費每塊銀一分二釐碎石每方銀一兩零九分三釐石灰每百觔價銀一錢每石一丈用灰一擔每磚一塊用灰一升高堰例也木椿徑五寸杉木每根三錢三分鋸椿斫尖每工做椿八十根工價銀五分下椿夫每根用夫八名夯打每名每日下椿十二根每工銀四分

荊州萬城隍志

卷六

經費 支銷

十三

按荊州條石板石不多用惟碎石坦坡每方給工價錢三百數十文單擺六百文雙擺千文做法不同刨坡工在內木價○用灘尺除鼻眼五尺起圍不登木八寸至九寸七分止價銀二分尺木一尺至尺四寸每寸加銀一分尺四半銀八分至尺五每寸加銀一分應長三丈五六尺尺五半至尺八每寸加三分尺八半銀二錢五釐至二尺五寸每寸加銀五分二尺銀二錢八分應長四丈二尺五寸半銀五錢八分至三尺止每寸加一錢應五丈外三尺銀一兩五錢應長六寸三尺五分銀一兩一錢三分至三尺五寸每寸加銀二錢二尺五寸半銀二



兩二錢三分至四尺止每寸加銀四錢四尺零五分銀四兩四錢三分至四尺五寸每寸加銀八錢四尺五寸半銀八兩八錢三分至五尺每寸加銀一兩六錢湖北紋銀九兌其貫頭須看水腳貨殖

按荆隄惟柴工及掛浪把用椿木木之大小不同時價不同不可不知其略也

附江夏縣石岸准銷部章○一江米一升給熬汁柴銀一釐○一抬石白麻以每石一丈七尺用白麻一觔○一水桶以每灰二萬七千七百斤用水桶一隻○一土箕以每石八十

荊州萬城隄志

卷六

經費 支銷

古

一二丈用土箕一隻○一篋掃帚以每石三十三丈用篋掃帚一把○一竹杠以每石七十三丈用竹杠一根○一攪棍以每石一百二十三丈用攪棍一根○一化灰槽以每灰四萬四千斤用化灰槽一具○一大灰桶以每灰九萬一千六百斤用大灰桶一隻○一小汁桶以每灰二千二百斤用小汁桶一隻○一灰籬每灰二萬三千七百斤用灰籬一隻○一灰篩每灰六萬四千一百斤用灰篩一面○一笆斗每灰六千四百斤用笆斗一箇○一捆紮青篋每搭棚廠一座用青篋四十仔○一蘆蓆每棚廠一座用蓆一百餘片○一角竹



每搭棚廠一座用角竹七捆半○一楸棍每棚廠一座用楸棍一百五十根○一茅匠每搭棚一座用茅匠一工

襄陽老龍隄石工准銷部章○一鐵錕錘每石二千五百丈用一把○一鐵屨每石四百五十丈用一把○一鐵梢每石二百八十二丈用一把○一鐵槓每石三百四十三丈用一把○一鐵扳子每石二百五十四丈用一把○一大槓每石一百八十五丈用一根○一四牛槓每石六十八丈用一根○一抬擔每石四十五丈用一根○一水桶每灰五萬三千四百斤用一擔○一抬桶每灰九萬一千六百斤用一口○

荊州萬城隄志

卷六

經費 支銷

五

一灰盆每灰六萬一千一百斤用一個○一灰挽子每灰三萬一千三百斤用一個○一挑灰籬筐每灰四萬七千四百斤用一擔○一灰篩每灰六萬四千一百斤用一把○一水缸每灰七萬五千六百斤用一口○一鐵鋤每灰二萬五千六百斤用一把○一熬漿鐵鍋每汁米八擔用一口○一煤炭每鐵百斤用一擔七斗○一鐵匠每鐵十六斤用一工

按此係道光年間工部核准通行章程存以備查

帑項

雍正五年發帑修築郝穴下新開丁子月隄



又六年發帑修築黃潭隄即黃灘隄

又六年發帑修築文村隄即黑窩嘴隄並濬小柳口洪魚口  
柘林港林家橋等處

乾隆五十三年阿文成公監修萬城大隄分十大段建石磯三  
處工賑兩項統用帑銀二百餘萬兩

道光二十二年裕制軍監修岳家嘴潰口並石磯月隄動用帑  
項八萬八千九百三十八兩

又二十四年李家準刷寬老隄溢口十餘丈裕制軍督修挽  
築月隄共四百六十丈動用帑銀四萬四千五百餘兩

荊州萬城隄志

卷六

經費 帑項

六

借款

咸豐八年借撥鹽課公費○官制軍札據荊州道府稟郝穴龍  
二淵隄石磯現已開工捐款難期應手請就近籌墊等情查  
此項工程亟宜趕緊修築惟該道府現已開工捐款等項難期  
應手自應先其所急籌墊趕修以資保障而備不虞除札飭該  
道府並荊州水利同知周丞就近迅將荊宜鹽課公費項下共暫  
動錢二萬串解交該道府查收外合亟札飭到道府等遵照查  
收趕將此項工程如式修築務於春汛前一律完竣稟請驗收  
仍將收過工費日期數目具文報查一面將捐項土費逐一收



齊就近解還歸欵毋得草率藉延

咸豐九年續借鹽課公費○官制軍札據荊州道府會稟郝穴龍二淵要工懇再籌撥經費接濟緣由奉批據稟龍二淵隄工經費支用已盡無可籌措請撥欵接濟等情查該隄險工既已修有八分將次成功刻下時屆夏汛若不趕築完竣一經盛漲衝刷堪虞必致前功盡棄所費更鉅准卽在於荊宜鹽課公費欵內再撥錢八千串接濟要需卽倍集人夫趕將土石各工刻日修築完竣稟候驗收其內挽月隄亦卽興工趕辦勒限一月內一律完工稟報毋稍草率遲延大干泰咎仍催徵土費歸

荊州萬城隄志

卷六

經費 借欵

七

還借欵不得藉延

同治十二年借撥釐金○李制軍札據荊州府倪守稟請就近借撥釐金錢四萬串興修萬城大隄冬工俟來春徵土陸續還欵等情前來除批據稟擬將萬城大隄低處工段一律修培具見慎重要工惟本部堂訪聞所徵土費如果撙節動用足有盈餘歷年以來因經理不善鮮有存欵該守諸事核實以後務將徵收土費清理整頓冀有存貯而濟公用否則一有要工卽希借用釐金尙復成何事體本年歲修各工趕早加修高固姑念該守未雨綢繆尙屬急公准暫借撥釐金錢二萬串具領興修



明春在於所徵土費內徵解還欸其不敷錢文應由該府自行設法籌措未便盡借釐欸也仰卽遵照辦理趕緊興修仍將興工日期稟報查核

同治十二年通隄加高借款稟○竊惟荊州萬城大隄濱臨江河綿長二百餘里當岷江之要衝爲下游之保障關係匪輕每年霜清水落通隄勘估歲修以資捍衛查修築隄堦宜於冬晴之際人力旣暇土性亦凝方期堅實惟所派土費向章次年開篆後啟徵春夏始能踴躍故歷開冬工僅能擇要興修其次各工來春陸續接辦均於夏汛前

荊州萬城隄志

卷六

經費 借款

六

一律報竣皆緣巨欸難籌不得不通融辦理也卑府屢看官民各隄雖尙寬厚堅固第江心淤墊日高隄身日見其低而夏秋盛漲水距隄巔實不過一二尺風搖浪撼岌岌可危若非旋漲旋消卽有漫滅之懼自應思患預防擬就本年水勢通隄低處酌加三四尺不等所有修培隄腳寬放坦坡補築罅漏歲修土石各工一俟巡憲回轅隨同勘估造冊詳報之後卽於十月內全行開工募夫趕築務期春汛以前一律完竣以仰副大人軫念生民之至意惟是開辦冬工需費甚鉅卑府署中並無閒欸可籌若全向錢



店挪移萬難應手必至停工待費掣肘堪虞卑府前請撥還蕭姓抄產變價之款籌備工程要需仰蒙院憲批飭藩司會同軍需總局核議此款擬俟善後存款充裕再行酌量籌還該隄如出險工應仍由該府勘明實需經費若干詳請暫於附近釐金項下提撥等因詳奉院憲批允在案今查全隄土石各工歲修經費向有定數應俟巡憲回轅後逐段估勘再行詳報惟現開冬工約略估計土價一項先需錢四萬串擬請於附近釐金局如數借撥以濟要需俟來年三月內徵獲土費卽行陸續解還一轉移間隄工

荊州萬城隄志

卷六

借款 捐項

十九

受益無窮億萬生靈感戴鴻慈無旣矣

按荆隄借款原係奏定章程比因蕭姓生息一欸足敷歲修不須另籌故無借支司庫之案茲錄鹽課釐金等欸皆係就近借撥次年卽如數清繳兼免雜費公私稱便

捐項

道光十四年龍二淵崩坍修築石磯估銀二萬九千一十五兩有奇王太守捐廉兩年計銀五千二百兩分作四年扣攤歸欸請藩庫先行飭發

道光二十三年觀音磯石工刷坍程太守督同沙市紳耆集捐



錢一萬三千九百八十五緡二百二十六文

道光二十四年修築李家埠五號潰口裕制軍諭湖北府縣捐輸錢十萬餘緡

道光二十七年古月隄工內韋護殿康家橋毛家巷炭碼頭等處修補石岸明太守捐銀七千四百八十七兩有奇

道光三十年達太守修補康家橋礮岸沙市紳商共捐錢六千三百餘緡

咸豐九年補砌觀音磯礮岸唐太守諭飭沙市紳耆共捐錢二萬六百五十有五緡一作二萬二千緡有奇

荊州萬城隄志

卷六

經費 捐項

三

同治十二年修砌劉大人巷石礮岸四百餘丈自劉大巷起至康家橋止孫觀察勸諭沙市紳商共捐銀二萬二千五百兩有奇

按沙市隄惟土工估入歲修碎石護腳間歲一拋至石磯石岸之工動糜巨萬不得不借資商力咸豐年間東南數省陷賊止此一隅爲滇蜀黔粵要衝商賈輻輳行李往來儼然一都會也大隄征費不給往往停工沙市石岸每勸必輸禮義生於富足良足信也

道光二十三年捐修石磯請獎案○趙中丞疏稱荊州府萬城



大隄爲郡城及下游各州縣保障而隄中之觀音磯石工係本境沙市全鎮屏藩迎溜頂衝尤屬喫重上年夏汛盛漲致將該磯石工衝刷大半當飭荊州府知府程伊湄勸諭紳富商民量力捐輸並派委留荊辦工之縣丞湯景幫同勸捐督修該工估需銀二萬七千餘兩該府倡捐錢一千八百七十串各紳民等陸續集捐錢一萬三千七十串並願將上年捐賑餘贖錢七千一百餘串移湊濟工不敷之數由該紳富等墊辦續捐歸欸現已一律修砌完竣洵屬尙義急公自應分別獎叙所有捐錢三千串之即用訓導鄧承先捐錢一千串之捐職布政理問鄧貽譜

荊州萬城隄志

卷六

經費 捐項

三

及督工最爲出力之捐職訓導李鎔捐職中書鄧貽穀就職副榜李鏞相應奏懇 天恩俯准分別獎勵俾昭激勸除飭取年貌籍貫三代履歷捐數清冊另咨送部其捐錢較少之各紳民由該道府給予匾額示獎

按捐輸請獎與動用帑項無異例應造冊報銷不僅捐數清冊疏中並未敘及部議所謂捐修借帑之項不能畫一者此也

道光二十四年捐修大隄奏獎案○裕制軍疏稱湖北荊州府萬城大隄現在興工堵築該省官紳商民踴躍捐輸請援現行



中牟河工捐輸之例分別獎勵以昭激勸

按此似仿照豫工事例開捐不待工成請獎也



河工捐輸章程  
卷六 經費 捐項  
三